



KEMENTERIAN KOMUNIKASI
DAN MULTIMEDIA MALAYSIA



SIARAN MEDIA

3 OKTOBER 2020

UNTUK SIARAN SEGERA

KUASAI KEMAHIRAN KEIBUBAPAAN SIBER BAGI MEMBENDUNG ANCAMAN SIBER DALAM INSTITUSI KELUARGA

BESERI, 3 OKTOBER 2020 – CyberSecurity Malaysia, pusat pakar teknikal keselamatan siber dan agensi di bawah Kementerian Komunikasi dan Multimedia Malaysia (KKMM) hari ini menganjurkan Seminar Keibubapaan Siber: Ke Arah Fasih Digital di Dewan Ibnu Khaldun, Institut Kemahiran MARA (IKM), Beseri, Perlis. Majlis disempurnakan oleh YB Datuk Zahidi Zainul Abidin, Timbalan Menteri Komunikasi dan Multimedia yang juga Ahli Parlimen Padang Besar.

Seminar diadakan bertujuan untuk memperkasa ibu bapa/penjaga tentang kepentingan keselamatan siber; memberi pendedahan tentang isu-isu keselamatan siber yang berpotensi mengancam institusi keluarga; memupuk serta menyemai kesedaran ibu bapa/penjaga mengenai penggunaan teknologi termasuk peranti digital, Internet dan aplikasinya secara positif, beretika dan bertanggungjawab.

“Seminar, kursus dan kempen seperti keibubapaan siber ini merupakan satu langkah penting bagi memberikan kesedaran dan mewujudkan persekitaran yang lebih selamat kepada rakyat. Cabaran dunia dalam talian ini memerlukan kerjasama erat antara rakyat dan kerajaan dalam menjaga keselamatan masyarakat. Kerajaan tidak mungkin boleh mengawasi setiap tindakan yang anda sekeluarga lakukan menerusi dunia dalam talian. Oleh itu, kawalan sendiri adalah amat penting untuk memastikan jenayah siber dapat dibendung.” kata YB Datuk Zahidi.

Menurut Datuk Zahidi, ibu bapa perlu mempunyai pengetahuan tentang tatacara penggunaan Internet (termasuk media sosial) secara positif dan mendidik anak-anak ke arahnya. Adalah menjadi hasrat kerajaan agar kita dapat mewujudkan komuniti pengguna



CyberSecurity Malaysia
200601006881 (726630-U)

T +603 8800 7999
F +603 8008 7000
H 1 300 88 2999

Corporate Office:
Level 7, Tower 1
Menara Cyber Axis
Jalan Impact
63000 Cyberjaya
Selangor Darul Ehsan
Malaysia.

www.cybersecurity.my



Securing Our Cyberspace

Internet yang Fasih Digital. Pengguna Internet yang Fasih Digital akan menggunakan teknologi secara bijak dan beretika serta dapat menentukan sama ada sesuatu tindakan serta maklumat itu bermanfaat atau menjadi ancaman kepada diri, keluarga dan masyarakat.

Dalam konteks keibubapaan siber, ibu bapa harus bertanggungjawab atas apa-apa yang dilakukan melalui Internet. Ibu bapa juga perlu melengkapkan diri dengan ilmu keselamatan siber, peka terhadap risiko dan ancaman siber dan sentiasa berusaha menegakkan integriti dan kredibiliti mereka dalam mendidik anak-anak supaya sentiasa selamat dalam talian.

Sementara itu, Dato' Ts Dr Haji Amirudin Abdul Wahab, Ketua Pegawai Eksekutif, CyberSecurity Malaysia berkata, "Melihat kepada trend ancaman dan jenayah siber masa kini, usaha harus digembleng untuk memastikan institusi keluarga khususnya ibu bapa mempunyai ilmu pengetahuan serta maklumat mengenai bidang keselamatan siber. Dalam hal ini, CyberSecurity Malaysia akan terus melestari agenda keibubapaan siber serta mencari inisiatif baharu dari semasa ke semasa bagi memastikan kepentingan memperkasakan ibu bapa di alam siber dapat diperluas dan diteruskan secara konsisten."

Pada majlis tersebut, klip video keibubapaan siber turut dilancarkan oleh YB Datuk Zahidi. Klip video yang mengandungi maklumat mengenai amalan terbaik (tip) penggunaan teknologi boleh dijadikan panduan kepada ibu bapa dalam menetapkan peraturan dan tatacara yang boleh melindungi anak-anak dan institusi keluarga daripada ancaman siber. Klip video terbitan CyberSecurity Malaysia dengan kerjasama FINAS dijangka dapat memupuk kesedaran ibu bapa untuk memahami kepentingan konsep keibubapaan siber dan mendalami kemahiran keibubapaan siber di era digital.

Seminar Keibubapaan Siber melibatkan sembilan ahli panel dan moderator yang mempunyai pengalaman luas serta pakar dalam bidang keselamatan siber, pendidikan, psikologi dan juga kewarganegaraan digital. Seramai 300 peserta terdiri daripada ibu bapa/penjaga komuniti setempat hadir pada seminar tersebut.

~ Tamat ~

Dikeluarkan oleh Jabatan Outreach dan Komunikasi Korporat, CyberSecurity Malaysia.

Untuk maklumat lanjut, hubungi media@cybersecurity.my atau +603-88007999.

Mohd Shamil Mohd Yusoff (ext: 7237) dan Zul Akmal Abdul Manan (ext: 7242).